



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et  
Ivstvs, In Mvndo Administrando, Sit Devs, Monstrantibvs**

**Stengel, Georg**

**Ingolstadij, 1647**

§. 11. Terrena Monstra.

[urn:nbn:de:hbz:466:1-51168](https://nbn-resolving.org/urn:nbn:de:hbz:466:1-51168)

monstra, de quibus agere non est nostrum institutum. Et quæ perstricta sunt, affatim docent, satis superque in aquis siue monstrorum, siue miraculorum extitisse.

## §. XI.

*Terrena Monstra.*

Plin. l. 2.  
nat. hist.  
cap. 93.

In terris, quid monstra diu quæramus, cum ipsæ sint etiam, multis in locis satis monstruosæ? *Motus enim terra*, ait naturalis historiae author, *sileantur, & quidquid est, ubi saltem busta urbium extant: simul ut terra miracula potius dicamus, quàm scelera natura. Et Hercule non caelestia enarrata difficiliora fuerint. Metallorum opulentia tam varia, tam diues, tam facunda, tot sæculis suboriens: cum tantum quotidie in orbe toto populentur ignes, ruina, naufragia, bella, fraudes, tantum verò luxuria, & tot mortales conterant: gemmarum pictura tam multiplex, lapidum tam discolorum macula, inter quos eos candor alicuius, præter lucem omnia excludens: medicamentorum fontium vis: ignium tot locis emicantium perpetua tot sæculis incendia: spiritus lethales alibi, aut scrobibus emissi, aut ipso loci situ mortiferi; alibi volucribus tantum, ut Soracte vicino urbi tractu: alibi præter hominem ceteris animantibus: non-*  
num-



numquam Et homini, ut in Sinuessano agro Et Puteolano: spiracula vocant, alij Charoneas scrobes mortiferum spiritum exhalantes Et c.

Quaedam verò terra ad ingressus tremunt, sicut in Gabiensi agro, non procul vrbe Roma, iugera ferme trecenta, equitantium cursu: sicut militer in Reatino. Ib. c. 94.

Quaedam insulae semper fluctuant, sicut in agro Cacubo, Et eodem Reatino, Mutinensi, Statoniensi. Ib. c. 95.

In Vadimonis lacu, Et ad Cutilias aquas opaca silua, quae numquam die ac nocte eodem loco visitur. In Lydia, quae vocantur Calaminae, non ventis solum, sed etiam contis, quò libeat impulse, multorum civium Mithritatico bello salus. Sunt Et in Nymphæo paruae, salutare dictae, quoniam in symphoniae cantu ad ictus modulantium pedum mouentur. In Tarquiniensi lacu magno Italia, duo nemora circumferunt, nunc triqueram figuram edentes, nunc rotundam complexu, ventis impellentibus, quadratam numquam. Iuxta Harpasa oppidum Asia cantes stat horrenda, uno digito mobilis: eadem si toto corpore impellatur, resistens.

Ib. c. 96.

§. XII.

Monstruosi terræ motus.

Hæc, si veri sunt naturæ effectus, etsi non vniuersim sint vera terræ monstra;

C 4

sunt